



ЗООНОЗЫН ӨВЧИН СУДЛАЛЫН
ҮНДЭСНИЙ ТӨВИЙН ЗАХИРЛЫН
ТУШААЛ

2016 оны 09 сарын 29 едвар

Дугаар 8/65

Улаанбаатар хот

Журам батлах тухай

Зоонозын халдварт өвчний холбогдол бүхий амьтад, тэдгээрийн дамжуулагчдын дуудлагад үйлчлэх, хариу арга хэмжээг шуурхай зохион байгуулах зорилгоор ТУШААХ нь:

1. Амьтны дуудлагад үйлчлэх журмыг I, Амьтны дуудлагын хайрцагт байх эд зүйлсийн жагсаалтыг II, Амьтны дуудлагад үйлчилсэн тэмдэглэлийг III, Дуудлагаар ирсэн амьтад, тэдгээрийн сорьцыг устгасан бүртгэлийг IV хавсралтаар тус тус баталсугай.
2. Энэхүү журмыг 2016 оны 10-р сарын 01-ний өдрөөс эхлэн мөрдөж ажиллахыг Мэргэжлийн тусlamжийн алба /Д.Ганболд/, Эрсдлийн удирдлага, бэлэн байдал, тандал судлалын тасаг /Б.Дэлгэрмаа/, Лавлагаа лабораторийн тасаг /Н.Цэрэнбүжид/, Аймаг, нийслэлийн Зоонозын өвчин судлалын төвүүдэд тус тус даалгасугай.
3. Тушаалын хэрэгжилтэд хяналт тавьж ажиллахыг Чанар, хяналт үнэлгээ, дотоод аудитын алба /Э.Тунгалаг/, Захиргаа, төлөвлөлт, хүний нөөц, статистикийн албаны дарга /Д.Цэрэнноров/ нарт үүрэг болгосугай.
4. Энэхүү тушаал гарсантай холбогдуулан ЗӨСҮТ-ийн захирлын 2014 оны 12-р сарын 24-ний өдрийн а/80 дугаар тушаалыг хүчингүй болсонд тооцсугай.

ЗАХИРАЛ

Н.ЦОГБАДРАХ

Төвийн захирлын 2016 оны
09 дүгээр сарын 29.ны өдрийн
4/65 дугаар тушаалын I хавсралт

ЗООНОЗЫН ӨВЧНИЙ СЭЖИГТЭЙ ДУУДЛАГАД ҮЙЛЧЛЭХ ЖУРАМ

Нэг. Нийтлэг зүйл

Энэхүү журмыг амьтнаас (тарвага, зурам, чичүүл, үлийн цагаан оготно, харх, огдой дорго, гар далавчтан, зарим үе хөлтөн болох шумуул, хачиг гэх мэт) хүнд халдвартладаг өвчнөөс эрт сэргэжүүлэх, хариу арга хэмжээг шуурхай хэрэгжүүлэх зорилгоор ЗӨСҮТ болон аймаг, нийслэлийн ЗӨСТ-үүдийн үйл ажиллагаанд мөрднө.

1.1. Амьтны дуудлагад үйлчлэх гэдэг нь хүн ам төвлөрсөн хот суурин, хөдөө орон нутагт мэрэгч амьтад, үе хөлтөн, тэдгээрийн эд эрхтэн, сэг зэм, түүхий эдэд байгалийн голомтот, зоонозын халдварт өвчний тархвар судлалын холбогдлыг мэдээллийн дагуу тогтоох үйл ажиллагаа буюу дуудлага хүлээн авснаас эхлэн халдварын эрсдлийг мэдээлэх, хариу арга хэмжээг хэрэгжүүлж дуусах хүртэлх үйл явцыг хэлнэ.

1.2. Дуудлагын баг нь тархвар судлагч, эмнэл зүйч эмч, нян судлагч, биологич, нян судлалын лаборант, ариутгагч, бэлтгэмэлч, жолооч нараас бурдэн тухайн сарын дуудлагыг хариуцан ажиллах ба холбогдох эрх зүйн баримт бичиг, тушаал, заавар (Эрүүл мэндийн сайдын 2006 оны 114 дүгээр тушаал "Тарваган тахлын байгалийн голомт дахь халдварын эрсдлийг бууруулах ажлын заавар", Эрүүл мэндийн сайдын 2008 оны 151 дүгээр тушаал "Тарваган тахал өвчинтэй тэмцэх, сэргийлэх арга хэмжээний заавар", ЗӨСҮТ-ийн захирлын тушаал "Зоонозын халдварт өвчний дуудлагад ажиллах журам"-ыг тус тус баримтлан ажиллана.

1.3. Аймаг, нийслэл дэх ЗӨСТ-д хийгдсэн амьтны дуудлагын лабораторийн шинжилгээний зерэг хариу (зерэг сорьц, материал болон өстөвөр илэрсэн тохиолдол)-ны дүнг ЗӨСҮТ-ийн Лавлагаа лабораторид баталгаажуулна.

Хоёр. Амьтны дуудлага хүлээн авах, мэдээлэх

2.1. Дуудлага хяналтын жижүүр эмч нь амьтны дуудлагыг хүлээн авч мэдээ, мэдээллийг баталгаажуулах бөгөөд дуудлага өгсөн хувь хүн, байгууллагад нь халдвар тархах, сорьц материал алдагдахаас сэргийлэх тухай заавар зөвлөгөөг өгч, холбогдох бүртгэлд тэмдэглэн тухайн сарын дуудлагын багийн бүрэлдэхүүн болон харьяа дүүргийн цагдаагийн хэлтэст мэдээлж, хариу арга хэмжээг шуурхай зохион байгуулна.

2.2. Нийт хураагдсан тарваганы тоо хэмжээ нь 50 ба түүнээс дээш бол Улсын мөрдөн байцаах газрын байгаль хамгаалах журмын эсрэг гэмт хэрэг мөрдөх хэлтэст мэдэгдэх ба 50-иас бага хэмжээний тоотой хураагдсан тохиолдолд харьяа дүүргийн цагдаагийн газар болон Нийслэлийн мэргэжлийн хяналтын газар холбогдох шийдвэрийг гаргана.

2.3. Дуудлагын багийн биологич, жолооч, ариутгагч нь дуудлага өгсөн газарт ажлын цагаар (08^{30} - 15^{30} цаг) хот дотор 30 мин-1 цагт, ажлын бус цагаар (15^{30} - 08^{30} цаг)

1-2 цагийн дотор, харин аймаг, орон нутагт зайнаас хамаарч аль болох шуурхай үйлчлэн хариу арга хэмжээг авч хэрэгжүүлнэ.

2.4. Лабораторийн шинжилгээний баг бүрэлдэхүүн (нян судлагч эмч, лаборант, бэлдмэлч, ариутгагч) нь сорьц материалд зоонозын халдвартын лабораторийн шинжилгээг хийж материал хүлээн авснаас хойш нян судлалын шинжилгээний дүн гарах хүртлэх үйл ажиллагааг хариуцна.

2.5. Тухайн сарын дуудлагын багийн тархвар судлагч эмч нь лабораторийн баталгаат шинжилгээний хариуг дуудлага өгсөн хувь хүн, албан байгууллагад эргэн мэдээлнэ.

2.6. Мэрэгч амьтны дуудлагад үйлчилсэн ажлын явцыг дуудлагын биологич 7 хоног бүрийн 1 дэх өдрийн өглөө Төвийн ШҮНэгжид мэдээлэх ба эрсдэлтэй буюу олноор хураагдсан тарваганы мэдээллийг тухай бүрт мэдээлж байгууллагын цахим хуудаст байршуулна.

Гурав. Дуудлагын дагуу хэрэгжүүлэх үйл ажиллагаа

3.1. Тухайн сарын томилогдсон биологич, ариутгагч, жолооч нар нь амьтны дуудлагын бэлэн байдлыг хангаж үйлчлэх ба шаардлагатай тохиолдолд (хүн амын дунд тархвар судлалын эрсдэл үүсч болзошгүй тохиолдол) тархвар судлагч эмч ажиллана.

3.2. Лабораторийн шинжилгээний дүнг үндэслэн шаардлагатай тохиолдолд дуудлагын багийн тархвар судлагч эмч, биологич, нян судлагч эмч нар тархвар судлалын холбогдол, эрсдлийг үнэлж хариу арга хэмжээг хэрэгжүүлнэ.

3.3 Амьтны дуудлагад үйлчлэхдээ халдварт хамгааллын З-р зэргийн хамгаалах хувцас өмсөх ба нэг удаагийн өмсгөл (комбинзон) хэрэглэж болно.

3.4. Ажлын бус цагаар ирсэн амьтны дуудлагын сорьц материалыг яаралтай шинжлэх эсвэл түр хойшлуулах асуудлыг дуудлагын багийн биологич нь дуудлага гарсан нөхцөл байдал, тархвар судлалын холбогдлыг үндэслэн албаны дарга болон тасгийн эрхлэгчийн зааврын дагуу шийдвэрлэнэ.

3.5. Ажлын цагаар гарсан дуудлагын сорьц материалыг амь сорьцын лабораторид хүлээлгэн өгч шинжлүүлэх ба ажлын бус цагаар бол дуудлага хяналтын жижүүр эмчийн хяналтад сорьц түр хадгалах хөргөгчинд шинжилгээ хийх хүртэл байлгана.

3.6. Үе хөлтөн амьтан (хачиг, шумуул, жоом, цох)-ы дуудлага ирсэн болон өөрсдөө авчирсан тохиолдолд тухайн амьтны төрөл, зүйл, өвчний холбогдлыг тогтоон дуудлага өгсөн иргэн, албан байгууллагад эргэн мэдээлнэ.

3.7. Дуудлагаар ирсэн үе хөлтөн (хачиг, шумуул)-ий сэжигтэй материалд лабораторийн шинжилгээ хийх асуудлыг тархвар судлагч эмч шийдвэрлэнэ.

3.8. Дуудлагад үйлчлэх явцад тухайн амьтан амьд бол жижиг мэрэгч амьтныг урт хямсаа буюу бахь, харин том (тарвага, харх гэх мэт) амьтдыг баригч дэгээ, тор, хавх, амьд баригч, унтуулах бодистой буу, харин шавж, шумуул зэрэг үе хөлтөн амьтдыг сачок, гэрлэн баригч зэрэг тохирсон багаж ашиглан барьж "Халдварт хамгааллын дэглэмийн заавар"-ын дагуу тээвэрлэнэ.

3.9 Дуудлагаар авчирсан амьтанд биеийн хэмжилт, самналтыг хийж дагалдах хуудсын хамт лабораторийн нян судлагч эмчид хүлээлгэн өгнө. Харин амьтнаас цуглуулсан гадны шимэгчийг шимэгч судлалын лабораторид төрөл, зүйлийг тодорхойлсоны дараа лабораторийн шинжилгээнд хүлээлгэн өгнө.

3.10. Лабораторийн шинжилгээнд хүлээн авсан сорьц материалын тархвар судлалын холбогдлыг үндэслэн зоонозын халдварт өвчний үүсгэгчийг илрүүлэх, тодорхойлох шинжилгээ хийнэ. Шинжилгээний эхний шатанд хурдан, найдвартай, мэдрэг болон өвөрмөц чанар өндөртэй ийлдэс судлалын аргууд ашиглах ба шинжилгээний дүн эерэг тохиолдолд өсгөвөрлөх, дүйн тодорхойлох сорилууд болон полимеразын гинжин урвалаар баталгаажуулна.

3.11. Дуудлагаар авчирсэн сорьц материал нь лабораторийн шинжилгээний шаардлага хангахгүй (тухайлбал, бохирдсон, өмхийрсөн, муудсан, шинжилгээнд түгээмэл авдаггүй эд эрхтэн, илжирч хуучирсан арьс, үс, ноос гэх мэт) тохиолдолд тухайн сарын дуудлагын биологич, тархвар судлагч эмчид мэдээлэн дүгнэлт гарган устгуулж тэмдэглэл хөтлөн, зургаар баримтжуулах ба амьтны дуудлагын бүртгэлд тэмдэглэнэ. Шаардлагатай тохиолдолд хууль хяналтын байгууллагын төлөөлөл болон хувь хүнийг байлцуулан устгаж болно.

3.12. Мэрэгч амьтан болон түүхий эд байсан газрыг 0.2%-ийн жавелины уусмал, халдварын сэжигтэй газрын хөрсөнд хуурай хлорын шохой ашиглан шүршиж халдвартгүйтгэлийг хийнэ.

3.13. Улирлын онцлогоос (7-10 сард) хамаарч нэг зэрэг 2 дуудлага ирсэн тохиолдолд дараа сарын хуваарьтай мэргэжилтэн үйлчлэх ба ЭУББТСТ-ийн эрхлэгчийн удирдлага дор ажиллана.

3.14. Батлагдсан жагсаалтын дагуу дуудлагын 2 хайрцагт байх эд зүйлсийг /хавсралт 1/ бэлтгэх, нөхөн хангалтыг биологич тасгийн бага эмчтэй хамтран хийж дараагийн хуваарьтийн биологичд хүлээлгэн өгнө.

3.15. Тухайн сарын дуудлагын багын гишүүн нь хүндэтгэх шалтгааны улмаас ажиллах боломжгүй нөхцөлд багийн ахлагч (тархвар судлагч эмч)-аар дамжуулан ЭУББТСТ-ийн эрхлэгчид урьдчилан мэдэгдэж зохицуулалт хийлгэсэн байна.

3.16. Лабораторийн шинжилгээний дүн, тархвар судлалын эрсдлийг харгалзан мэргэжлийн алба, тасгуудын мэргэжилтнүүд хамтарсан хяналт, үнэлгээ хийж, халдварт эсэргүүцэх арга хэмжээг хэрэгжүүлэн холбогдох байгууллагад зөвлөмж бичиж хүргүүлнэ.

Дөрөв. Дуудлагын багийн бүрэлдэхүүн, ажил үүргийн хуваарь

- Тархвар судлагч эмч
- Эмнэл зүйч эмч
- Нян судлагч
- Биологч
- Нян судлалын лаборант
- Ариутгагч
- Бэлтгэмэлч
- Жолооч
- Шаардлагатай тохиолдолд Генетикч дотоод хуваарийн дагуу үйлчилнэ.

4.1. Тархвар судлагч эмчийн үүрэг

4.1.1. Тархвар судлагч эмч нь дуудлагын багийн ахлагч байх ба дуудлагад шуурхай, цаг алдалгүй үйлчлэх багийн зохион байгуулалтын асуудлыг хариуцна.

4.1.2. Багийн бүрэлдэхүүний "Халдварт хамгааллын дэглэмийн заавар"-ийн хэрэгжилтэд хяналт тавих ба шаардлагатай тохиолдолд дуудлагад үйлчилнэ.

4.1.3. Сарын дуудлагад үйлчилсэн ажлын талаар алба, тасгийн эрхлэгч нарт мэдээлэл өгч холбогдох асуудлаар Төвийн удирдлагыг цаг алдалгүй мэдээллээр хангана.

4.1.4. Хууль тогтоомжийн дагуу Цагдаагийн ерөнхий газар, Улсын мөрдөн байцаах газартай хамтран ажиллаж, Төвийн захирал болон холбогдох тасгийн эрхлэгчийн шийдвэрийг баримтлан мэдээллийг солилцно.

4.1.5. Дуудлагаар ирсэн сэжигтэй материалын шинжилгээний дунд тархвар зүйн судалгаа хийж, баталгаат хариуг дуудлага өгсөн хувь хүн, албан байгууллагад эргэн мэдээлж цаашид сээрэмжлүүлэх арга хэмжээний талаар зааварчилга, зөвлөмж өгнө.

4.2. Эмнэл зүйч эмчийн үүрэг

4.2.1. Дуудлага хариуцсан эмнэл зүйч эмч нь дуудлагад хэрэглэгдэх хамгаалах хувцас, эм, багаж хэрэгслүүдийн бэлэн байдалд хяналт тавих ба халдвартын эрсдэлтэй эд зүйлстэй харьцсан хүмүүсийг эрүүл мэндийн үзлэгт хамруулах, шаардлагатай тохиолдолд халдвартын эмнэлэгт хэвтүүлэх, оношийг тодруулах асуудлыг хариуцан ажиллана.

4.3. Нян судлагч эмчийн үүрэг

4.3.1. Дуудлагаар ирсэн сэжигтэй материалыг шинжилгээнд хамруулах, баталгаат шинжилгээний хариу гаргах үйл ажиллагааг хариуцан ажиллана.

4.3.2. Дуудлагад зайлшгүй шаардлагатай эм, ариутгалын бодис, оношуур болон лабораторийн тоног төхөөрөмж, багаж хэрэгслийг жагсаалтын дагуу бэлэн болгох ба шинжилгээний явцыг дуудлагын багийн ахлагчид мэдээлнэ.

4.3.3. Дуудлагын материалын шинжилгээний урьдчилсан хариуг лабораторид шинжилгээ эхэлснээс хойш 8-12 цагийн дотор, мэдээлэх баталгаат шинжилгээний хариуг 72 цагийн дараа гарган тархвар судлагч эмчид мэдээлнэ.

4.4. Биологчийн үүрэг

4.4.1. Дуудлагад үйлчилж халдвартын сэжигтэй материалыг очиж авах ба шаардлагатай багаж хэрэгсэл бэлэн байдалд хяналт тавьж ажиллана.

4.4.2. Биологич нь хураагдсан материалыг хүлээн авахдаа тухайн сэжигтэй материалын тоо ширхэг, төрөл, зүйл, (боломжтой тохиолдолд хүйсийг тогтоох), тээвэрлэж байгаа хүний нэр, хаягийг дуудлага өгсөн байцаагч, хувь хүнээс авч, тэмдэглэл хөтөлж, (хавсралт-3) гэрэл зургаар баталгаажуулна.

4.4.3. Хэрэв өөр төрлийн амьтад (мэрэгч болон сарьсан далавчтан, үе хөлтнөөс бусад амьтан) байгаа тохиолдолд дуудлагын багийн тархвар судлагч эмчийн зааврыг үндэслэл болгон ажиллана.

4.4.4. Дуудлагаар ирсэн материалыг ЗӨСҮТ-ийн халдварт хийх өрөөнд халдварт хамгааллын дэглэмийг баримтлан самналт хийж гадны шимэгчийг түүх, биологийн хэмжилт, нас, хүйс, зүйлийн бүрдэл, агналтын байдлыг тогтоож, гэрэл зургаар баталгаажуулна.

4.4.5. Цуглуулсан гадны шимэгчийг шимэгч судлалын лабораторид батлагдсан журмын дагуу зүйлийн бурдэл, тоо ширхэгийг тогтоон дагалдах бичгийн хамт нян судлалын лабораторид шилжүүлэн шинжилгээнд хамруулна.

4.4.6. Тухайн сарын дуудлагад үйлчилсэн ажлын илтгэх хуудсыг зардлын тооцоо, нэгтгэсэн тоон мэдээний хамт боловсруулан албаны даргад мэдээлнэ.

4.5. Нян судлалын лаборантын үүрэг

4.5.1. Лабораторид шаардлагатай оношлуур, эм урвалж, тэжээлт орчин, багаж хэрэгсэл, тоног төхөөрөмж, эд аж ахуйн зүйлийг жагсаалтын дагуу бэлэн болгох ажлыг хариуцан ажиллана.

4.5.2. Дуудлагаар ирсэн материалаас шинжилгээний сорьц бэлтгэх, шинжлэх ажлуудыг нян судлагч эмчийн хяналтан дор гүйцэтгэнэ.

4.5.3. Лабораторид хийгдэх байнгын халдвартгүйтгэлд хяналт тавьж, лабораторийн анхан шатны бүртгэлийг хөтөлнэ.

4.6. Ариутгагч, бэлдмэлчийн үүрэг

4.6.1. Дуудлагад үйлчилж сэжигтэй материал тээвэрлэсэн тээврийн хэрэгслэл, хадгалж байсан ойр орчмын талбайг заавар, журмын дагуу халдвартгүйтгэн ариутгах ба шинжилгээнд хэрэглэх шилэн эдлэл, тэжээлт орчин, бусад материалыг ариутгана.

4.6.2. Ариутгал, халдвартгүйтгэлд хэрэглэх бодис, тоног төхөөрөмж, багаж хэрэгсэл, сав суулга, хувцас, эд, аж ахуйн хэрэгслийг захиалах ба жагсаалтын дагуу бэлэн байлгана.

4.6.3. Халдвартын сэжигтэй материалаас сорьц авч дууссаны дараа устгалд оруулахдаа халдварт судлагч эмчийн хяналтад, халдвараас сэргийлэх хяналтын багийн гишүүнийг байлцуулан устгаж, хууль зүйн үндэслэлтэй, устгалын явцыг дэлгэрэнгүй тусгаж, гэрэл зургаар баталгаажуулан тэмдэглэл үйлдэнэ (хавсралт-4).

4.6.4. Шинжилгээнд хэрэглэгдсэн лабораторийн багаж хэрэгсэл, зөвлөн эдлэл, шилэн эдлэл, тахлын хамгаалах өмсгөлийг угааж ариутгалд өгнө.

4.6.5 Амь сорьцын өрөөний угаалга, цэвэрлэгээ, сэжигтэй материал устгах ажлыг хамтран гүйцэтгэнэ.

4.6.6. Дуудлагад үйлчилсэн тээврийн хэрэгслийг ариутгана.

4.7. Жолоочийн үүрэг

4.7.1. Дуудлагад үйлчлэх тээврийн хэрэгслийн техникийн бэлэн байдлыг хангана.

4.7.2. Дуудлагад үйлчлэх хугацаанд багийн ахлагч тархвар судлагч эмч болон биологийн шууд удирдлагад ажиллаж, явсан километрийн тооцоог гаргана.

4.7.3. Дуудлага хүлээн авснаас хойш дуудлага өгсөн газарт ажлын цагаар (08³⁰-15³⁰ цаг) хот дотор 30мин-1 цагт, ажлын бус цагаар (15³⁰-08³⁰ цаг) 1-2 цагийн дотор багийн гишүүдийг хүргэнэ.

4.7.4. Тээврийн хэрэгсэлд байнгын ба эцсийн халдвартгүйтгэл хийлгэнэ.

Төвийн захирлын оны

09 дүгээр сарын 29 ны өдрийн

16 дугаар тушаалын II хавсралт

АМЬТНЫ ДУУДЛАГЫН ХАЙРЦАГТ БАЙХ ЭД ЗҮЙЛСИЙН ЖАГСААЛТ

№	Хэрэглэгдэх зүйлс	Хэмжих нэгж	Тоо хэмжээ (хайрцаг тус бүрээр)
1	Нэг удаагийн өмсгөл (комбинозон, малгай)	Иж бүрдэл	3
2	Усны гутал	ш	2
3	GPS (шаардлагатай үед)	ш	1
4	Нимгэн бээлий	хос	20
5	Зузаан бээлий	ш	2
6	Амны хаалт	ш	10
7	Тахлын өмсгөл (I зэргийн хамгаалах өмсгөл)	Иж бүрдэл	2
8	Пиджам	хос	2
9	Тарваганы хайч	ш	1
10	Том гялгар уут	ш	5
11	Тарваганы уут	ш	10
12	Жижиг мэрэгчийн уут	ш	10
13	Зузаан плёнкон уут	ш	2
14	Гулигдасны уут	ш	10
15	Бикс (жижиг, дунд)	ш	1
16	Зөөлөн хямсаа	ш	1
17	Корнцанг (том)	ш	2
18	Хавх	ш	2
19	Занга	ш	5
20	Хуруу шил	ш	5
21	Автомакс	ш	1
22	Хуруу лент	ш	10
24	Гарын алчуур	ш	1
25	Денатурат спирт	л	0,5
26	Иод	мл	20
27	Этилийн спирт	л	0,5
29	Жавелион	таб	30
30	ДП-2Т	таб	30
31	Санитол	фл	2
32	Тамедин	фл	2
33	Гар арчих бөмбөлөг	ш	20
34	Амьтан барих тор (дэгээ)	ш	1
35	Нойрсуулагч бодисоор буудагч буу (Хийн буу)	ш	1

Төвийн захирлын оны
09 дүгээр сарын 29, ны өдрийн
11 дугаар тушаалын III хавсралт
16
11
11

АМЬТНЫ ДУУДЛАГАД ҮЙЛЧИЛСЭН ТЭМДЭГЛЭЛ

Дугаар №

Дуудлага хүлээн авсан хугацаа: он.....сар.....өдөр цагминут

Дуудлага хүлээн авсан хаяг:

Дуудлагын мэдээлсэн: (албан тушаалтан, иргэний нэр):

Овог: Нэр:

Албан тушаал:

Холбогдох утас:

Сорьц материалын гарал үүсэл /аймаг, сум, газар/

Сорьц материалын нэр:

Төрөл зүйл:

Нийт тоо хэмжээ:

Дуудлага өгсөн хүний гарын үсэг:

Хүлээн авсан хүний гарын үсэг, албан тушаал:

.....он.....сар.....өдөр

Амьтны дуудлагад үйлчилсэн тэмдэглэл

Дугаар №

Дуудлага хүлээн авсан хугацаа: он.....сар.....өдөр цагминут

Дуудлага хүлээн авсан хаяг:

Дуудлагын мэдээлсэн: (албан тушаалтан, иргэний нэр):

Овог: Нэр

Албан тушаал:

Холбогдох утас:

Сорьц материалын гарал үүсэл /аймаг, сум, газар

Сорьц материалын нэр:

Төрөл зүйл:

Нийт тоо хэмжээ:

Дуудлага өгсөн хүний гарын үсэг:

Хүлээн авсан хүний гарын үсэг, албан тушаал:

.....он.....сар.....өдөр

Төвийн захирлын ... оны
 дүгээр сарын ... ны едрийн
 дугаар тушаалын IV хавсралт
 09/65

ДУУДЛАГААР ИРСЭН АМЬТАД, ТЭДГЭЭРИЙН СОРЬЦЫГ УСТГАСАН БҮРТГЭЛ

№	Хулээн авсан огноо	Материал ирсэн хаяг	Материалын нэр, төрөл	Тоо хэмжээ /ширхэг/	Устгал хийсэн хугацаа		Халдвартгийтгэхд зарцуулсан бодисын нэр, хувь	Ариутгачийн гарын усэг	Хяналт тавьсан эмчийн гарын усэг
					Эхэлсэн	Дууссан			
1	2	3	4	5	6	7	8	9	10